

後信長傳 全

內務省圖書  
 第.....號  
 書部.....類  
 全一.....函  
 全一.....冊

和書門  
 二七三三  
 一九三七  
 一〇七  
 冊架函號類

2733  
 內閣文庫  
 和書  
 二七三三  
 四八二  
 函冊架  
 二七三三  
 冊架

內閣文庫	
番號	和 27337
冊數	7 ( 7 )
函號	148 29



人史

結城家

桓武天皇十二代

清盛

太政大臣養和元年  
二月薨行年六十四

重盛

小松内大臣  
四十二歲薨

明治二十二年購求

宗盛

内大臣

維盛

三位中將  
廿七歲卒


資盛

新三位中將越前守

親真

權大夫

津田祖  
織田祖



親基

權太郎

親行

孫太郎

行廣

太郎兵衛尉

末廣

三郎

太郎兵衛尉

基實

三郎

廣村

三郎四郎

真昌

三郎右衛門尉

常昌

次郎四郎

常勝

助次郎

教廣

次郎左衛門尉

帶刀左衛門尉

常任

次郎兵衛尉

勝久

三郎

彈左衛門尉

久長

彈正左衛門尉

敏定

三郎

信定

彈正忠

信秀

彈正忠後号備後守

月巖

号桃巖天文十八年

三月三日卒四十二

信廣

三郎五郎大隅守

信長別腹

信長

從一位右大臣贈太政大臣 童名吉法師 上總次

天正十年六月二日於京本能寺薨四十九 摠見院叢巖

信行

勘十郎

武藏守

信長

信包

從三位左中將上野友

法名老犬心巖

從四位下侍從源五郎

長益

法名有樂

女子

淺井備前守長政室

号自性院在洛城南養源院内

信忠

正三位右近衛中將秋田城公

秀信

三郎

天正十年六月二日於京二条

卒二十六歲

大雲院仙巖奇妙御曹司

岐阜中納言

信雄

正二位内大臣茶筵御曹司三女寛永七年

月晦日薨七十三

德源院實巖真公法名常真

信孝

三七

天正十一年於歸間内海卒歲二十一

正三位中納言

童名於次

早世

秀勝

秀吉公養子

女子

蒲生飛騨守妻

女子

間崎殿

信忠信雄同腹

女子

前田肥前守妻

女子

丹羽五郎左衛門妻

信長

女子

筒井伊賀守妻

勝長

源三郎 童名御坊

信吉

長九 武藏守 從五位下

此外男子女子猶有之

織田信長譜

信長

平姓織田氏其先出自太政大臣平清盛清盛者桓武  
 天皇十一代之後胤刑部卿忠盛長子也或曰白河院  
 之子也使忠盛養之為子忠盛卒後清盛嗣其家與源  
 義朝同為朝廷之警衛任安藝守保元元年七月崇德  
 上皇及宇治左大臣藤原賴長不利於朝廷時清盛應  
 後白河帝之勅命與義朝同將兵合戰大破上皇之軍  
 既而賴長為亂兵被殺上皇遷幸於讚州清盛以此軍  
 功故任播磨守又任大宰太貳平治元年十二月右衛  
 門督藤原信賴左馬頭源義朝騷動於洛中欲殺清盛  
 時二條帝密出禁裏入御清盛六波羅館清盛大感激

而起兵與之相戰信賴義朝敗死於是義朝一族或被  
殺或被配流而源氏衰矣清盛獨為武家棟梁押領三  
十餘州官位屢昇進仁安二年二月任太政大臣叙從  
一位号平相國嫡子重盛任內大臣有賢才早世次男  
宗盛或曰三男任內大臣女德子為高倉院中宮生安德帝  
其餘子弟或至亞相納言或至參議三位女子皆嫁貴  
族其外氏族或列雲客或任國守者不可數舉也上自  
王公攝關大臣以下無不畏伏焉本朝武臣管領四海  
之權威至清盛而始盛矣仁安三年清盛剃髮号淨海  
築別業於攝州福原而屢往遊焉苟有不協於其意則  
雖法皇闕白之尊或奉押籠之於離宮或流之於遠國  
其餘皇子大臣月卿以下罹其眚眚而被戮辱者猶多

治承四年二月淨海請勸高倉院使讓位於太子太子  
即位安德帝是也淨海以外祖故蒙准三后宣旨同六  
月淨海挾安德帝去平安城而遷都於攝州福原八月  
源賴朝起兵於豆州十二月淨海奉帝自福原還平安  
城養和元年二月四日淨海薨年六十四宗盛繼遺跡  
於是諸國源氏蜂起木曾義仲自北國入洛宗盛挾安  
德帝以奔西海其後賴朝使諸將殺義仲且擊平家  
谷屋嶋壇浦處々合戰平軍屢敗元曆元年三月長州  
赤間關軍敗安德帝入水宗盛為源義經被虜其餘知  
盛教盛等氏族皆死賴朝使北條時政上洛尋平氏子  
孫無長幼皆殺之殆至赤族自是天下兵馬之權歸源  
氏也重盛次男資盛号新三位中將於赤間關與一族

同没海有孤兒其母匿之於懷中以流落於江州津田  
卿々長以其母麗質故納之為妾而育其孤兒世人  
無知為其平族也越前織田庄神職者嘗來宿津田卿  
長之宅請孤兒以為養子携之歸越前使續神職号織  
田權大夫親真其子孫相繼住越前及于足利氏之領  
天下而斯波氏号武為越前國主見織田神職之兒容  
貌端正而名之為小臣以織田為称号乃自越前移尾  
張斯波氏有六家老其一人有罪而被放流也以織田  
氏代之自是其氏族繁榮以至信長々々者親真十八  
代之後也信長父曰彈正忠信秀後号備後守其威震  
尾州屢窺三洲天文十一年八月駿河國主今川義元  
欲平尾州到三洲小豆坂信秀迎擊大破之於是信秀

屢發向表濃國與齋藤山城守道三合戰

天文三年信長誕生童名吉法師信秀築尾州那古跡  
城使吉法師居之以林新五郎平手中務大輔青山與  
三右衛門尉内藤勝助為家老

同十五年吉法師元服於尾州古渡城信秀所居也号三郎

信長明年信長初將兵發向三洲吉良大濱放火于近  
邊而歸那古跡其後齋藤道三與信秀和睦以其息女  
嫁信長於是表濃尾張無事矣道三者元城州西京人  
家貧賣油以為業以歌謠赴濃州仕于土岐家老長井  
兼左衛門尉遂為家老既而弒長井領其地其後逐土  
岐賴藝以有濃州云

同十八年三月三日備後守信秀死年四十二号桃信

長續家督時歲十六自号上總及其弟勘十郎信行後  
武藏居末盛城柴田權六勝家佐久間大學助長谷川  
宗兵衛山田孫右衛門等奉仕焉信長自幼嗜武事馳  
馬揮鐵劍弓法習劍術學鉄炮或放鷹或游河水不務  
國政家老平手中務大輔清秀諫之不聽清秀自殺信  
長悔焉造寺吊之号清秀寺齋藤道三欲見信長氣象遣使  
招之曰我到富田正德寺待足下々々可來會而述其  
婿之禮信長許之即赴焉道三密匿民屋以窺其行粧  
東子長缺廣袖騎馬其躰甚異健士千五百人為前驅  
朱鑪五百本其長三弓鉄炮各五百挺從之道三驚及  
入正德寺改其異躰以見道三々々愈驚既而交會畢  
而信長歸尾洲道三送之到萩原勲曰我子孫繫馬於

彼門下取

同二十年八月信長與其叔父孫三郎信光率兵出張  
清洲邊進到海津破織田彦五郎軍彦五郎者織田  
弘治元年四月清洲家老坂井大炊助同大膳大夫招  
孫三郎信光入城相約同奉彦五郎也信光入城乃殺  
大炊助由是大膳出奔信長聞之馳圍清洲城擊殺彦  
五郎也信長即居清洲以那古野城及河東授信光十  
一月信光為其下坂井孫八郎被殺信長使林佐渡守  
守那古野城明年五月佐渡守及其弟義作守柴田權  
六勝家等奉勘十郎信行為主謀弑信長々々聞之與  
其弟安藝守信時或曰安往那古野察其氣義作守謀  
弑信長於席上佐渡守不忍之信長歸清洲明日遂叛



信長使佐久間大學助守名塚村壘八月義作守與勝家率兵攻名塚村信長越於多井河救之相戰於稻生信長自以鎧鎧殺義作守於是勝家敗走信長母為信行請和睦且使信行獻誓書信長許之故信行及勝家剃髮參向清洲江渡守亦來謝罪

同三年正月信行再有野心柴田勝家到清洲告信長信長称病使村井長門守告其母曰我將死當以家督附信行云云母乃召信行々々馳到清洲入信長寢所豫謀使勇士三人斬信行誤期不能斬之信行走入海閨池田勝三郎信輝後号勝入在廊下捕信行而殺之

信長連年窺駿州今川義元家人戶部新左衛門守笠寺壓尾州而有志心於義元戶部有能書之名信長求得

其筆跡使其右筆者學戶部書法經二年之後與之部真跡不差乃詐作戶部寄信長之書使家人森三左衛門可成詐為商賈密赴駿州獻彼書於義元々々驚曰是戶部叛我而通信長之書也大怒召戶部殺之

永禄元年七月信長出張浮野攻岩倉城大破敵軍同二年信長再攻岩倉城取之

同三年五月今川義元發駿州率四万餘人畧遠參二州到愛智郡沓懸里納粮於大高城尾州諸城多降義元信長聞之欲迎擊之林佐渡守曰彼衆我寡何為當乏不如守城信長曰守城則城有快心即勸酒於士率而進發路詣熱田社奉納願書義元屢陷數城而有驕心使兵士先行義元到桶狹間不設備而宴於松原邊

時信長察之俄來攻義元本陣急擊之義元狼狽戰死  
毛利新助斬其首駿州兵敗走信長兵追斬之得首二千五百  
餘級乃進兵攻數城陷之既而歸清洲乃修熱田社自  
是全領尾州

東照大權現御諱御座於三洲因崎城通好于信長  
甚悅由是信長武威甚強信長謂吾少好馳馬試劍未  
吾不忘於心既得尾州後  
望天下是清秀之忠也

同四年五月信長進兵到西義濃長井甲斐守日比野  
下野守率大軍來防之信長擊破之長井日比野皆戰  
死得首三百餘級

同五年五月信長到西義濃放火于鄉邑構要害於洲  
俟織田勘解由左衛門居之義濃國主齋藤右兵衛

大夫龍興謂方今其潦數日河水甚漲信長不能救之  
乃使其家臣牧村牛久稻葉又右衛門等攻洲俟城信  
長不屑河水乘馬越河馳救之與濃州兵合戰於輕海  
勘解由左衛門戰死信長將池田信輝佐々成正柴田  
勝家等進戰稻葉戰死於是兩陣共引兵而歸先是齋  
藤道三黜長子義龍以愛其兩弟義龍憤之殺兩弟而  
攻道三殺之領濃州龍興者義龍子也

同七年義濃國士氏家常陸以下全稻葉伊豫守伊賀  
伊賀守号西步三人衆叛齊藤龍興密應信長

八月信長俄到義濃襲瑞龍寺城燒之氏家稻葉伊賀  
來謁信長乃分諸將圍稻葉城龍興本城後号歧鼻龍興乞降信  
長許之龍興避城而出信長領濃州其後信長自清  
移居歧鼻城

信長

九

同八年五月將軍源義輝卿於京都為逆臣三好一族  
及松永彈正忠久秀父子被弒其弟義昭自奈良一乘  
院逃入春日山八月移江州甲賀又入矢嶋鄉請佐々  
木承禎欲復入京師承禎不果  
十一月信長以其姪女為養子嫁甲州武田信玄子四  
郎勝頼

同十年八月佐々木承禎子義昭與三好相通欲殺義昭  
義昭乃密出江州赴若州依武由義統以國小故不能成  
大事於是移越前入安養寺國主朝倉義景待之甚疎  
十一月信長使織田掃部助赴甲州請以信玄女嫁信  
忠信長嫡子信玄從之於是信長與信玄通好相睦信長有  
內近自之大志故與信玄相和而  
欲使彼無窺尾則濃州之意也

信長定黑繩赤繩之士各十人

是年信長息女赴三洲岡崎嫁

大權現長男三郎信康以修好佐久間右衛門尉信盛為  
使者到岡崎時信康九歲信  
長息女亦九歲

同十一年義昭使者細川兵部大輔藤孝上野中務太  
輔清信自越前到濃州見信長說之以復歸京師之事  
信長曰是武臣之面目也何為辭焉然其事之成敗姑  
舍焉願先寄大旗於常國是予之所仰望也乃使不破  
河內守副藤孝清信往越前迎義昭且使淺井備前守  
長政自路次從之同行長政者江州士  
也信長妹婿

七月廿五日義昭到濃州入立正寺廿七日信長謁義  
昭獻太刀一腰馬一疋鎧一兩沈香一器綿絹百端烏

目千貫又供奉人各有贈物義昭使藤孝清信謂信長曰三好謀逆柳營遭難余嘗艱難漂泊流落勞心焦思以至於斯天下之事藉卿之力而得歸京師則非帝報亡克之仇再興武將之家也卿其思之乃有酒宴八月信長發岐阜到江州佐和山遣使於觀音寺城說佐々木承禎使之從義昭不答使者及三度承禎遂不從信長乃歸岐阜謀擊佐々木於是兵士來集於岐阜九月七日信長發岐阜十一日到江州愛智川乃進兵欲圍觀音寺城先攻箕作城森三左衛門可成坂井右近柴田勝家等為先登承禎與其子義彌相議築和田山城使兵守之信長見江州地圖使濃洲兵士押和田山而直向箕作城使佐々木間右衛門尉木下藤吉郎

秀吉丹羽五郎左衛門尉長秀淺井新八攻之賊堅未陷時會

大權現使松平勘四郎信吉率兵救信長信吉急攻箕作壘奮擊之城陷信長大感信吉勇敢曰汝可謂肝生毛也於是和田山城沒落柴禎父子聞之大恐避觀音寺城而出奔信長乃進兵攻取十八城江州漸平信長移居觀音寺城使柴田勝家森可成坂井右近峰屋兵庫頭沙汰制法遣不破河內守以迎義昭々々大喜到江州守山信長謁見焉義昭感其成功之早也信長挾義昭入洛々人聞信長之威風恐其為暴而多逃亡者并八日京著義昭居清水寺信長居東福寺洛中耆老參賀醫半井驢庵雖知苦齋及連信長使菅屋九右衛門歌詠紹巴昌叱心前同來

信長

上

禁制軍勢狼藉由是京師又安於九日信長進兵攻勝  
龍寺城岩成主稅助降參信長即發向攝州攻茨川城  
十月朔日城主細川六郎三好日向守退去二日陷小  
清水城義昭居小清水信長入茨川城乃進攻池田城  
城主池田筑後守出質乞降於是畿內悉平信長以其  
地分授諸士松永彈正久秀等以下來降者多十五日  
歸洛義昭居六條本國寺信長居清水寺定洛中制法  
十八日義昭任征夷將軍  
同十二年正月三好一族蜂起亂入京師圍本國寺義  
昭防之敵退去信長亦聞之率兵上洛謁義昭賀無事  
也信長命畿內近國之士經營二條御所四月義昭移  
居焉五月信長歸岐阜

八月信長進發勢州到桑名攻淺香城木下秀吉為先  
手城陷乃分群士圍大河内城或曰天正四年八月内者伊勢國司北島一族相替居之所行國務也先是勢州國司北島具教畏  
信長之威議和以信長次男信雄為婿焉北島中將約  
以讓國具教家人柘植三郎左衛門受信長密旨與木  
造下總守後号羽柴相謀弑具教下總守々々多力殺數十人  
而死柘植等即納信長兵故勢州諸城皆陷信長誅柘  
植以徇焉停止勢州則使信雄居大河内城領十萬  
石上野及信包信長弟居信長弟城領五萬石信孝信長弟居  
神戶城領五萬石以尾洲西方長嶋城并北伊勢  
五郡賜瀧川左近將監一益十一月信長經千種越  
而上京謁義昭々々授脇指國光於信長々々沙汰禁

中修理事而歸岐阜

元龜元年二月信長自岐阜到江州常樂寺見相模遂

入洛居平井驢菴宅

四月信長尋泉塚富人各寄古畫義昭於新館見猿樂

信長謂見

信長發尚越前國到敦賀攻手箇山城柴田勝家木下

秀吉池田信輝急擊之

大權現率兵會焉城遂陷斬首千三百七十級信長進圍

金崎城之主朝倉中務乞降即屠其城時聞淺井備前

守長政叛起兵於江州以要信長軍後而大驚引兵而

歸使木下秀吉留押朝倉義景時

大權現後殿而退到若洲時敵追之御家人擊破之信長

入朽木谷朽木河內守元細帶甲冑率兵而奉迎之信

長疑有異志松永彈正久秀曰其往諭之彼若有異則

手及之共死耳乃馳諭元細々々乃脫甲不設備而拜

謁信長悅即經朽木谷而入洛使丹羽五郎左衛門尉

長秀明智十兵衛光秀往若狹求武藤上野火人質武

藤出其母兩使勢之歸京江州一揆峰起避行路稻葉

伊豫守父子在守山圍之出戰擊破之送首級千二百

於京師既而秀吉亦入洛於是信長告服於義昭而出

京時五月九日也乃到江州使森可成守志賀守佐兩

城佐久間信盛守長原城柴田勝家守長光寺中川八

郎右衛門守安土木下秀吉守長濱

而歸岐阜佐々木殘黨守鯉江城塞路次蒲生右兵衛

信長

三

大夫賢秀等為信長，鄉導赴平草越時，佐々木承禎使  
救谷善住房，狙信長，放鉄炮，其兩王誤中，信長暑衣之  
兩袖從者大驚，尋索山中，信長止之。廿一日着岐阜  
六月，佐々木承禎自甲賀出張，歸洲郡柴田，勝家佐久  
間信盛擊破之，得首七百數十級，獻於岐阜。信長加賜  
勝家信盛各三万貫之地，淺井備前守長政與越前朝  
倉義景通奸，構要害兩所於江北，而叛。信長江北人堀  
次郎堀口三郎兵衛有勇名，信長使竹中半兵衛重治  
說堀樋口兩人，即屬信長。十九日，信長進發淺井郡，汝  
破要害，進到小谷。淺井居城使群士登雲雀山，放火於町中，  
擊敵走之。信長登虎御前山，臨小谷，慮其險難，而議攻  
戰之事。佐久間信盛曰：攻之則必拔城，然我軍死傷甚

三之一也。廿二日，信長乃返兵，以佐々木内蔵助成正築  
田出羽守中條將監為殿，淺井兵追之。佐々木柴田中條  
相替防之，敵在險所，窺之三，士力戰周旋而退。謂之敵  
猶進來，見柴田率大勢而備陣，而乃退去。信長攻橫山  
城。淺井家人城兵乞援於淺井，乃馳使於越前，請  
救於朝倉義景。々々使朝倉孫三郎將一万餘人赴焉。  
淺井備前守長政與其父下野守久政同，并越前兵移  
陣於野村三田村。信長與諸將議軍謀時。

大權現救信長來會，謂信長曰：願向一方也。朝倉乎淺井  
乎，唯任意耳。信長喜曰：然則可防朝倉，以誰為加勢時。  
大權現兵權三四千  
詩故信長云然  
大權現曰：稻葉伊豫守可也。乃許之。廿九日，合戰於姊川。

信長陣於東方向淺井分軍十三段坂井右近為一陣  
池田信輝次之木下秀吉次之其餘濟々焉使丹羽長  
秀押橫山城

大權現陣於西方向朝倉稻葉奉從焉淺井先鋒礮跡丹  
波守秀昌進來坂井右近戰敗士卒多死池田亦敗走  
淺井兵競來逼麾下信長殆危

大權現攻朝倉陣酒井左衛門尉忠次榊原小平太康政  
小笠原與八郎等為先手越河擊敵

大權現自將兵扣刀指揮之本多平八郎忠勝為先登本  
多豐後守廣孝松平左近忠次等繼進奮擊之朝倉兵  
大敗走

大權現兵追急向坂氏口弟三人擊殺朝倉勇士貞柄十

郎左衛門其外被殺者甚多稻葉廻兵橫擊淺井陣  
淺井兵遠藤喜右衛門欲狙擊信長々々兵竹中又作  
擊殺遠藤信長麾諸軍相戰淺井遂敗走信長兵追之  
多得首級進到小谷處信長恐我兵之陷難路乃凱旋  
信長議諸將之功曰此役之勝賴在

大權現之軍功耳稻葉次之橫山城以下皆陷贈首級三  
千餘於京都即進兵圍佐和山城儀野川波既而使丹

羽長秀市橋九郎左衛門水跡下跡守河虎與兵衛為  
定登而歸七月六日信長入洛謁義昭而歸波皇

八月三好山城守笑岸日向守等蜂起于攝州築野  
田要害使安宅木甚太郎等居福嶋要害信長將大軍

攻圍之九月義昭發京到攝州中島信長陣於天滿森



相來寺雜賀人來參同攻歸田福島時大坂本願寺門  
跡光佐如頭叛信長而出張森口邊信長使佐々内蔵  
助福富平左衛門等群士赴森口與大坂兵相戰歸村  
越中守討死敵乘勝競來諸將將敗前田又左衛門利  
家等為殿防之敵退去時朝倉義景淺井長政率大軍  
出張於江州比叡辻八王子邊森三左衛門可成中佐  
迎戰遂死織田九郎信治信長弟青地駿河守等同殲  
命森家人尾藤氏道家氏等多死義景長政攻宇佐山  
城放火於大津又奉燒於醍醐山科邊信長慮其亂入  
帝都而罷播州軍廿三日信長與義昭共歸洛和田伊  
賀守柴田修理亮為殿廿四日信長赴江州朝倉淺井  
兵皆登比叡山廿五日信長使諸將圍叡山義昭陣於

將軍塚移三井寺信長陣於滋賀宇佐山諸將夜襲叡  
山坊舍得首者多佐々聞信盛稻葉伊豫守密招叡山  
老僧諭之以屬信長僧徒不從焉佐々木承禎謝罪降  
參信長此行也

大權現使石川日向守家成將兵救信長

十一月堅田久宿餉甚乏等請屬信長而得其軍將信  
長使坂井右近赴焉朝倉淺井使大兵攻右近々々戰  
死經日朝倉淺井勢盡請義昭以與信長議和陸信長  
不許義昭自到信長嘗以諭說之信長不得已而從之  
於是義昭歸洛信長歸岐皇

同二年二月佐和山城城主儀助丹波守秀昌淺井家人降參  
使丹羽長秀守佐和山城

五月淺井備前守攻箕浦城分兵押橫山城之主木下  
秀吉擊破之

五月尾州長島一向宗蜂起信長率大兵攻擊之既而  
諸軍退去柴田勝家伊賀守為殿敵要於難所而  
擊之勝家伊賀皆蒙疵氏家常陸入道卜全戰死

八月信長進發江州攻山本山要害淺井兵放火於餘  
古木本邊而歸以勝家為殿原田備中守副之又使諸  
將攻新村城而陷之小川城金森城皆降 九月信長

陣於勢多燒比叡山堂杜僧房悉回祿僧徒被殺戮者  
不可勝計也以滋賀郡賜明智十兵衛光秀居坂本城  
光秀者濃州土岐一族也與妻木某為叔姪其後為浪  
人經歷越前又伺候柳宮遂仕信長以軍功相領如此

同三年三月信長發向江州淺井郡放火於小谷邊乃  
到滋賀郡而直入洛居妙覺寺細川六郎岩成主椋助  
降參大坂門跡使者來獻贈物三好左京大夫義繼與  
松永彈正忠久秀其子右衛門佐久通相議使家人山  
口氏與田氏居高屋城信長使大軍攻之山口與田出  
奔義繼入河州若江城久秀入和州志貴城久通入多  
門城 五月信長歸岐阜

七月信長嫡男信忠時芳奇妙御曹司初着鎧乃赴淺井郡放  
火於小谷邊得敵首二百餘級使木下秀吉攻山本山  
城淺井家人阿閉得首級若干淺井乃遣使告朝倉義  
景義景乃到小谷信長使木下秀吉守虎御前山十  
一月秀吉破朝倉軍斬首二百級

堂上人與北面等有訖論事佐久間右衛門佐信盛村  
井長門守不能裁斷焉信長自決之以堂上人之所言  
為是北面輩就織田右馬頭密愁憤之右馬頭申之信  
長怒而疏之

信長放鷹屢過邑里而問人民之愁苦  
十二月甲州武田信玄觀兵於遠州三方原

大權現防之信長使佐久間信盛及平手某等救之平手  
戰死由是信長遂與甲州絕交義昭欲使兩家和睦不  
聽

信長憂義昭不堪武將之器以呈諫書十七箇條義昭  
不悅與信長有隙先是信玄潛使間人以密計  
天正元年正月松永彈正父子就佐久間信盛請獻

門城而乞降信長許之松永父子到岐阜而謁信長信  
長使山岡對馬守多門城  
信長數信玄罪七箇條以告義昭信玄亦數信長罪以  
相共訟

二月義昭聞信玄出張遠州淺井朝倉窺江州而慮信  
長多事欲乘其弊以擊信長今使島田所助村井長  
門守及僧日乘謝之義昭不聽使勢多光淨院礮貝新  
右衛門等構要害於石山堅田信長使柴田勝家明智  
光秀丹羽長秀蜂屋兵庫頭攻石山守兵降參乃攻破  
堅田城送首三百級於岐阜 三月信長率大軍上洛  
細川兵部大輔藤孝荒木信濃守來謁於大津乃召兩  
人問義昭起兵之趣且尋其同意者而後侵入京師義

昭乞和信長憐而許之四月信長歸岐阜其路次攻佐  
木義彌所守之江州鯨江城密命丹羽長秀曰室町  
殿義昭必可再有黑心我廢之可以治世汝造大船十  
餘艘以待焉

武田信玄病死子勝頼嗣

領甲信駿三州及上州之内

七月義昭使日野大納言藤原某高倉宰相藤原永相  
伊勢伊勢守三淵大和守守二條御所而自楯籠守治  
真木島信長聞之出岐阜馳到江州佐和山而乘向所  
造之大船即赴坂本而放火於洛邊以進入二條妙覺  
寺即圍二條御所日野高倉等降參信長即發向真木  
島稻葉伊豫守其子右京亮同彦六為先登大軍繼之  
梶川弥三郎高盛先渡宇治河諸將進攻真木島大破

之放火義昭力盡奔普賢寺請罪曰願宥死信長不悉  
殺之願佐久間信盛木下秀吉曰汝等能圖之二人乃  
受旨送義昭經河州津田過尊延寺到河州若江城使  
細川六郎守真木島城

和田伊賀守黨干義昭而在攝州信長攻之一日下令  
曰取和田頭者賞若干斬敵隊長者賞若干先登者賞  
若干攝州人中川瀨兵衛清秀見其揭示乃批點取和  
田頭者衆皆恠驚清秀還家祈念既而臨戰場以伺和  
田所在而不能知也忽有山伏一人來清秀問曰敵將  
何在荅曰在彼曰其貌如何曰物色如彼於是清秀指  
其道而行即見和田熟察物色果然急擊之遂獲和田  
首和田者江州甲賀人來住攝州信長使荒木攝津守居攝州中川屬之義昭黨渡邊宮

内少輔降義昭又到泉塚入紀州

信長歸洛命所司代村井長門守稍赦京中地子錢并

諸役等且憐惠鰥寡孤獨而出京陣於江州高嶋而攻

木戶田中兩城其城主乞和遁去以兩城賜明智光秀

岩成主統頭番頭大炊助諏訪飛驒守掬淀城諏訪番

頭依秀吉而降長岡兵部大輔藤孝攻淀城岩成戰死

八月四日信長歸岐阜時淺井將阿閉淡路守降八圓

信長出張於江州降月瀨城淺井家使佐久間信盛柴

田勝家等入大嶽之北山田山絕越前與江州之間欲

渡朝倉不通淺井也朝倉聞之使其將馳到江北陣於

田邊山信長遣稻葉於高月卿而向朝倉時淺井家人

淺見對馬守在燒尾壘大嶽密納信長兵於燒尾以圖

大嶽城大嶽兵齋藤刑部少輔小林彦六左衛門西方院

等使僧來乞降且請為越前卿道信盛秀吉申之信長

許之齋藤等三人使不破河内守九毛兵庫頭塚本小

大膳守大嶽城而進攻下躰山城降之越前兵遁走信

長先鋒稻葉佐久間柴田木下瀧川丹羽等諸將俱下

知之信長自將追擊之到乃根山佐々内藏助成正前

田又左衛門利家等五百餘騎力戰敵屢防之遂敗走

信長兵進到越前敦賀路次所得之首級凡三千餘時

故義濃因主齋藤龍與屬朝倉而聞死金松又四郎有戰功跣步進退信

長見之曰汝勇最可嘉也以其所著之短鞋俗稱授之

曰我自弱年每臨戰以此短鞋而所附刀鞞也今以扶

汝勞苦也

信長留滯於敦賀三日求降人之質悉欲平越前之地  
十八日陣於府中龍門寺朝倉義景避其所居之一乘  
谷逃隱於大跡山田庄六坊使柴田勝家氏家左京亮  
稻葉伊豫守伊賀伊賀守等相分搜索義景平泉寺僧  
徒請降曰赦死則為案内者追尋義景也信長許之廿  
日稻葉賂里民以得到六坊遣使於義景家老朝倉式  
部大輔景鏡曰可殺義景而降參若猶豫則可攻破六  
坊并殺汝也景鏡從之與平跡中道寺相議中道寺諫  
之景鏡不肯遂斬義景鳥居兵庫頭高橋甚三郎同死  
稻葉獻義景首信長使長谷川宗仁梟之於京都獄門  
信長沙汰越前國政以前波播磨守為假守護廿六日  
信長返兵圍江州虎御前山城廿七日秀吉登京極殿

細淺井下跡守與其子備前守長政所往來之路廿八  
日秀吉攻落跡守居城下跡守自殺淺井福壽菴鶴  
松大夫同殉死也廿九日信長登京極嶽備前守自殺  
淺井石見守赤尾義作守被虜而死以淺井所領賜秀  
吉  
九月信長使柴田勝家攻江州鯨江城城主佐木  
彌助城退去於是信長掃岐阜磯部丹波守捕抄谷善  
住房獻之於岐阜信長使之立埋於土中以竹籠載之  
七日遂死  
信長赴尾州攻擊長島一揆屠別所片岡兩城而還時  
會風雨甚烈而一揆遮路林新三郎為殿與一揆力戰  
而死信長憐惜之

十一月十日信長上洛發向河州攻三好左京大夫義  
繼繼或十六日義繼自殺三好氏其先甲州源氏小笠  
原之流也自甲州移信州小笠原長清次男孫二郎長  
房為阿州守護其子孫号阿波小笠原足利氏之有天  
下時細川氏領四國故屬其旗下長房八代信濃守義  
長住阿州三好邑以為給号其後京都柳宮式微細川  
執兵權及于細川微弱而三好氏雖為倍臣專國政  
長孫筑前守長輝振威八年亂入京師於百萬遍寺自  
害三男長光五男芥川長則同死長輝長子下総守長  
秀揚勢三年與其弟頼澄於勢州山田自害長輝二男  
薩摩守長基振威五年於泉塚頭本寺自盡長基長子  
筑前守長慶擊殺其叔父宗三而陷京師逐細川晴元

幽之於效川於是長慶代細川執畿内近國兵權廿五  
年居河州飯盛城改号修理大夫蔑視柳宮長子筑前  
守義興或作義長代長慶執權四年為家老松永彈正忠久  
秀被毒殺而死長慶義長事跡詳于義晴義輝譜中義繼者義興弟也或  
曰十河一存子也及義興死而久秀立之以為長慶繼  
嗣淡州安宅水野口阿波一宮井澤讚岐十河皆在  
一族也長慶弟豐前守之虎号實休其弟攝津守冬康  
續安宅木家其弟一存或作續十河家其弟冬長續野  
口家其餘氏族山城守下野守日向守等皆張臂干世  
永祿八年義繼與久秀相謀使日向守下野守松永右  
衛門佐久通久秀子弒將軍義輝由是三好松永弥專橫  
四年及信長之起而兵威日衰至是義繼亡

十二月信長歸岐阜

同二年正月元日信長於岐阜宴功臣及三獻而出黑漆箱於席上曰此佳肴也各可進一獻柴田勝家揚盃時信長手自開箱則朝倉義景淺井下野守同備前守三人之首也各以金薄濃抹之三人之頸衆皆曰佳肴也雖下片豈不勸醉乎信長勞諸將數年之功賜刀脇指

二月武田勝賴出甲州進到濃州邊信長使兵防之

三月十二日信長上洛居相國寺鹿苑院十八日任

參議叙從三位先是正四位下彈正忠

廿三日信長奏聞禁裏狀七日起奈良居多門開東大寺秘府截黃熟香俗曰蘭日鋪大納言某飛鳥井中納

言雅教為勅使佐久間右衛門尉信盛菅屋九右衛門塙九郎左衛門蜂屋兵庫頭武井夕庵松井友閑奉行之截之一寸八分也信長取其三之一以其二配授諸士

四月信長歸京大坂門跡出足輕渡路信長擊破之使佐久間信盛陣於天王寺以備大坂

五月信長歸岐阜

六月武田勝賴率兵圍遠州高天神城主小笠原與

八郎防之

大權現欲救與八郎遣使者請援兵於信長信長即發岐大阜到三州吉田城進著今切渡時聞與八郎力盡降敵大而引兵歸吉田



大權現來會信長謝之曰武田屢雖出張以

大權現戰功故我無勞心而漸平天下以黃金二袋入皮袋

人捧贈

大權現而歸岐阜

七月信長信忠率大軍發向尾州西方攻擊長嶋一砲

宗一揆六六等連年憑險而屢為累故也信長回一左

信忠向江口佐久間柴田稻葉蜂屋向賀鳥口信忠

將舟師自桑名進焉一揆屢戰屢敗信長分兵圍篠橋

大鳥居唐戶島大島中江等壘八月陷大鳥居城斬首

二千八人贈其耳鼻於城中既而篠橋城降九月廿九日

長島渠魁等乞降避城退去信長設伏兵於堤邊放鉄

炮射矢如雨一揆半死其免者大怒直進馳入信長下

族陣中力戰而遁走此時信長兄津田大隅守信廣弟

半左衛門秀成從弟津田市及信成等數輩戰死信長

使瀧川左近將監一益守長島城且以北伊勢五郡授

大芝 十月信長歸岐阜

今茲河州畠山昭高家老遊佐氏弒昭高國中大乱信

長使兵攻河州平之又能州畠山義隆家老遊佐氏遣

殺義隆州内騷動信長使兵攻能州破之能州國士多

降越後長尾謙信

同三年正月信長使篠岡八右衛門坂井文助高野藤

藏山口太郎兵衛修道路橋

三月信長入洛居相國寺時今川氏真在京拜謁進上

香炉宗信長聞氏真能蹴鞠為見其藝乃有遊庭之會

祇香炉

三條大納言實枝鳥丸高倉飛鳥井廣橋五辻庭田及  
氏真為人數也  
信忠任出羽次  
四月信長聞廷臣賣本領而貧苦以其價投買者而價  
乏使舊領返廷臣

五月武田勝頼出張遠州進圍三州長篠城主人主與平  
九八郎信昌防之城中粮盡信昌者依信長旨難約  
以為

大權現之婿故奉請援兵鳥井強右衛門為使者脫圍而  
得出以告之

大權現使小栗大六遣岐阜而求加勢於信長信長及信  
忠將數方騎而進發經尾州拜熱田神社十五日到岡

崎時強右衛門拜謁信長乃使強右衛門歸報信昌到  
長篠城下為敵被執勝頼赦之且慰勞之告曰汝到城  
邊呼所相知者為我曰信長不能救長篠也然則城中  
困勞而降強右衛門伴諾勝頼使人護之到城下呼人  
時強右衛門謂曰信長已出馬而到岡崎救此城者在  
二三日之間耳可堅守城也城中大喜勝頼怒斬強右

衛門十六日信長到三州牛窪城十七日經野田原十  
八日陣於志多羅卿極樂寺山信忠陣於御堂山

大權現陣於高松山信長使秀吉一益長秀等張陣十三  
段先是勝頼陣於道虛寺山使兵一萬圍長篠城而使  
和田兵部守齋巢城時有小栗某者元

大權現家人也蒙御勘氣而從勝頼至是慕舊好而就李

大多平八忠勝拜謁

大權現而受密旨以行伴說勝頼曰信長多事於四方不能來救焉勝頼大喜進兵二十餘町越瀧澤河而陣焉及聞信長已來而勝頼家人諫之使返兵歸甲州勝頼不聽信長與

大權現相議張柵三重設備而待焉

大權現為前鋒三郎信康同在陣中佐久間信盛將右軍秀吉一益將左軍廿日夜

大權現使酒井左衛門尉忠次說信長曰今夜密廻兵自間道以登鷲巢山陷其城襲勝頼陣後則彼狼狽而敗也信長佯罵曰吁汝何知焉忠次欲退時信長獨曰忠次曰汝謀最良我恐衆知之而叱汝耳速可進發然無

奈不有卿導也忠次曰其可卿導之願副檢使信長使金森五郎八佐藤六左衛門青山新七郎加藤市左衛門行焉且命忠次曰登山則舉燧忠次即不歸宿而直赴焉本多豐後守廣孝松平左近等同繼來遂到鷲巢舉燧攻城急擊之長篠城兵同出相戰斬敵將和田兵部而城即陷陣屋皆為焦土勝頼大驚廿一日黎明信長與

大權現謀而擇諸手鉄炮三千挺使佐々内蔵助前田又左衛門福富平左衛門塙九郎左衛門野々村三十郎掌之

大權現使大久保七郎右衛門忠世及其弟治右衛門忠佐掌麾下之鉄炮足輕而先登於是兩軍大戰忠世忠

佐急使放鉄炮敵兵屢卻

大權現諸將信長大軍競擊之勝頼遂大敗走其將馬場  
義濃守氏勝山縣三郎兵衛尉内藤修理亮真田源太  
左衛門信綱土屋右衛門等數十輩皆戰死其餘首級  
尤多勝頼僅免濕甲州信長引兵而還詰于熱田杜納  
神馬廿五日歸岐阜使信忠攻濃州遠山城遂隨之虜  
其將秋山大島座光寺等

六月信忠叙正五位下

八月越前餘黨下間和泉守同筑後守阿波賀三郎若  
林長門守三宅權丞等蜂起構數箇所城以堅守焉信  
長信忠率數万騎到敦賀乃使諸將分攻諸城一夕信  
長使秀吉乘風雨以襲若林所據之河野新城拔之申

是諸城皆陷敵兵朝倉孫三郎斬下間筑後守同和泉  
守以降謝其罪信長不赦之即誅朝倉於是越前悉平  
信長陣於一乘使柴田勝家稻葉伊豫守繁田左衛門  
太郎等進兵往平加賀國九月信長移陣於北庄行恩  
賞以柴田勝家為北國之藩鎮賜越前國但以大跡郡  
割與金森五郎八原彦次即以府中十方石分授前田  
又左衛門佐々内截助不破彦三以敦賀郡畀武藤宗  
右衛門其餘郡邑者皆勝家領之以加賀國賜繁田以丹後賜一色  
左京大夫以丹波國桑田舟井兩郡授細川既而信長  
發北庄時謂勝家曰越前加賀國大而為北陸之樞要  
汝其勿懈也即歸岐阜

十一月信長上京任權大納言

不經中納言

兼右近衛大將

信忠任秋田城

十二月信長執奏以秀吉任筑前守河尻與兵衛任肥

前守塙九郎左衛門改号原田備中守築田左衛門太

即改号别喜右近右筆武井夕菴任二位法印友閑任

宮内卿法印既而歸岐阜信長謂今所領之地猶未定

可使功臣續古昔豪士之家以富之故向謂冊羽孫惟

佳謂冊智孫惟任今又改塙号原田改築田号別喜皆

是九州豪士之稱号也

同四年正月信長築城於江州安土山冊羽長秀時号

五郎左為普請奉行信忠叙從四位下

二月信長自岐阜移居安土城使信忠居岐阜

四月安土城成

信長使長岡兵部大輔藤孝荒木攝津守村重明智日

向守光秀原田備中守筒井順慶等攻大坂時大坂門

跡構壘於木津難波而塞舟路五月信長命諸將攻取

木津三好笑岸根來僧徒先攻木津不利而退原田備

中守進戰敵放鉄炮急擊之原田戰死敵競圍天王寺

城主筒井順慶明智日向守光秀佐久間甚九郎

不防之不克事聞安土時信長與奴婢相交以巨杵毒

采信長為用力於軍旅時小与奴同煮米得報書大驚即進發村井長門

入道春長在京聞之先馳到大坂時敵障堤遮水故諸

軍不得渡焉春長曰信長公來此在近何為猶豫乎即

自乘馬徐々渡河而先登諸軍乘其勢而皆越河相戰

既而信長到河州若江城進兵擊敵破之敵逃走於大

坂信長兵追擊多得首級乃使佐久間右衛門尉信盛

及子甚九郎守天王寺城，命進藤山城守松永彈正忠等諸將守附城十箇所。六月信長歸安土。

七月中國人能島來島兒玉粟屋浦兵部等積兵糧於船七百餘艘而納之於大坂城。信長兵士等防之不勝。間鍋主馬沼野伊賀守同越後守枚原兵部野口某小畑某討死。

安土殿主成石垣二重高十二間南北廿間東西十七間石垣以上至殿主七重

八月信忠叙從四位上

十一月四日信長入洛居二條妙覺寺。十三日叙正三位。廿一日任內大臣陣座。宣下廿三日參內獻物最多。公卿雲客亦有恩賜。廿六日歸安土。

十二月信長狩於三洲吉良而歸。路到岐阜而越年。

柴田勝家平越前加賀殘黨而使毛受勝助執信長。悅焉。二位法中諫專誅戮。

同五年正月二日信長歸安土。十四日入洛。信忠叙正四位下。廿五日還安土。

二月信長上洛使信忠及信雄時号北自中將信孝号神戶三七等

將兵攻紀州雜賀。一揆以堀久太郎秀政副之。信長相繼到河州若江。於是紀州凶徒守貝塚者恐懼而退散。根來僧徒來拜信長。乃使諸將分攻一揆。諸城陷之。三

日一揆渠魁鈴木孫一土橋平治岡崎三郎大夫等降。參於是信長沙汰紀州政事而後凱旋。

七月前關白藤前久息信基元服。信長為之加冠賜信字。右中弁藤兼勝理髮。

八月雜賀殘黨猶未滅信長使佐久間信盛擊之使羽  
柴筑前守秀吉代信盛而守天王寺城大坂敵兵來攻  
之秀吉命中村式部少輔一氏堀尾茂助吉晴擊破之  
敵兵敗走

松永彈正少弼久秀自天王寺附城去而入和州信貴  
城信長使宮内卿法中友閑問之久秀不答遂謀叛九  
月廿七日信忠受信長旨將數方騎發向和州廿九日  
彗星見於坤方踰年不消

播州土小寺識隆使其孫黑田長政質於信長以之使  
秀吉護之

十月松永黨森氏海老名氏守河内片岡城信忠使長  
岡兵部大輔藤孝明智日向守光秀筒井順慶攻拔之

海老名自殺信忠進兵攻信貴城久秀密與雜賀一揆  
并大坂門跡通以乞合力一夕久秀遣使者於雜賀大  
坂以約期其使者誤道入佐久間信盛陣信盛捕之獻  
信忠信忠曰是松永所以可亡也乃與信盛謀偽為雜  
賀使者納其兵數百人於城中々々不覺之以為雜賀  
兵開門而納之比至二穴信忠率大軍急攻之信盛兵  
在城內合鬪聲城中大騷而死者多者多久秀周章入殿  
守信忠使人語之曰降則赦之久秀曰縱雖為骨再不  
歸信長而打碎其所愛之釜御味是信長平生欲取之  
故也久秀使其子右衛門佐久通出城久通不從請同  
死久秀怒曰汝不孝也何非我言乎久通乃脫去於是  
久秀放火於殿守而自焚死城陷久通亦被執而死衆

謂久通捨父是怯之甚也信長聞之曰是彼其父之教耳其有所思也欽久秀者元京西岡人也貧賤而經歷諸州得仕三好而威權日振弒義輝公張臂於洛中畿內始造殿守又作長屋及干三好衰而遂屬信長一日大權現謁信長時一老人豫參信長謂大權現曰是松永彈正者也弒公方俗謂將軍家号公方叛其主三好氏且燒南都大佛殿是三大事者皆古來人之所難為也松永獨兼之云云久秀平伏耻憤而流汗赤面頭上如烟之昇也於是遂叛死

信忠入洛三條大納言藤實枝為勅使來曰叙從三位任左近衛中將信忠辭之遣使於安土問信長々々曰須應勅命信忠乃從之參內禮謝焉既而信忠赴安土

謁信長而後歸岐阜

信長使羽柴秀吉領播州且窺毛利氏時毛利輝元領中國秀吉

即發向播州求國土人質以沙汰國政

十一月秀吉請全領中國以求朱印信長欲許之未果會秀吉發播州平但州而報捷信長即以中國事全委秀吉右筆楠長菴調其朱印秀吉攻福岡城上月城拔之宇喜田直家率備前義作兵就秀吉而屬信長有戰功

信長任右大臣叙從二位如元將

十二月三日信長放鷹於尾州三州以菅屋九右衛門為安土留守以不動國行乃乙御前釜授之曰秀吉來則界之廿三日歸安土廿九日信忠請安土為賀來春



也信長贈重器若干於信忠

今歲越後長尾謙信振勢於北陸關東以有窺京師之

意

同六年正月元且信長於安土召信忠及秀吉二位法

印夕菴長岡藤孝林佐渡守長谷川丹波守丹羽長秀

瀧川一益荒木播津守市橋九郎左衛門長谷川宗仁

等十一人於茶亭信長自迎送之且手配饗膳茶會了

而諸士參賀各賜土器狗白召諸士於殿守使登覽焉

信長叙正二位

信長沙汰諸士不携妻子而住安土者凡百八十人嚴

戒之為其課役使之修道路

三月長尾謙信病死年四十九

四月信長辭兩職右大臣  
右大将

信長遣丹羽長秀明智光秀於丹波退治荒木山城守

時稱丹羽長秀惟任  
明智光秀曰惟任

毛利輝元出張播州以圍上月城城主山  
中鹿女秀吉及荒木

播津守隔谷與輝元對陣五月信長欲自赴播州不果

而使信忠及諸將先行焉六月秀吉自播州馳來謁信

長時在  
京曰中國之兵有長陣之軍用諸軍與彼相持則

疲力耳不如引兵也信長可之使諸將不與毛利相對

也而命信忠率諸將攻播州神吉城志方城七月瀧河

丹羽荒木等攻破神吉城於是志方城降信忠以兩城

授秀吉而使秀吉攻三木城城主別所小  
郎長治

信忠凱旋

九鬼右馬允嘉隆受信長命而率大船數十艘自伊勢  
海轉漕以到紀州熊野浦與雜賀賊船戰破之取敵船  
三十餘艘以著泉塚之浦為塞大坂往來之舟路故也  
九月信長上洛聞越中一揆起而使齋藤新五擊平之  
信長赴住吉放鷹於安倍躰十月朔日召九鬼嘉隆覽  
彼大船而動喜色且使嘉隆試為舟師之形勢賜黃金  
衣服酒肴於嘉隆信長枉駕於泉塚今井宗久茶亭且  
過宗易宗及道叱等茶店又遊佐久間甚九郎茶屋  
十月齋藤新五擊越中一揆河田豐前守椎名小四郎  
破之國中漸平

信長歸安土

荒木桶津守村重謀叛於攝州信長使宮内卿法印右

明明智日向守万見仙千代諭之荒木欲謀而信長  
土家人皆曰一旦縱雖逢赦必不能克終則不如早起  
事也荒木遂叛小寺官兵衛諫之不聽荒木拘小寺小  
寺脫歸十一月信長率兵討荒木以三男三七信孝為  
安土留守稍兼伊豫守不破河内守九毛兵庫頭副之  
信長入洛集兵進到攝州陣於山崎信忠屯于天神馬  
場信長移陣於天野山又到郡山聞高槻城主高山右  
近黨于荒木以高山者耶穌之徒故乃召彼妖師俗名  
連諭高山々々獻質參拜信長信忠厚賞高山賜茨河  
郡且妖師受恩賜也信長築附城使諸將攻茨木伊丹  
既而中川瀨兵衛清秀降參信長信忠重賞之信長進  
到昆陽躰使諸將攻花隈城放火於兵庫邊十二月諸

將攻伊州城不克乃見仙千代戰死於是信長信忠使諸將分守附城而歸安土城

同七年正月九鬼右馬允嘉隆到安土拜謁賜休服歸伊勢

二月信長上洛居新造之館聞洛人宗運有孝於老父而賜米百斛免許諸役

三月信長信忠發向攝州以勞諸將

信長到箕尾觀瀑放鷹入民屋問邑宰之邪正

四月常州人多賀谷修理亮獻馬星河原毛長四寸八分日

行五十里信長贈黃金衣服於多賀谷賜銀於使者賀

谷者結城家老

信長聞塩川伯耆守有惠政賜銀千兩森蘭丸中西

權兵衛為使者

五月信長歸安土

關東僧靈譽來安土談淨土法論日蓮宗之徒大脇傳

助建部紹智惡之口論遂招京都頂妙寺僧日光等請

與淨土宗論難信長使菅屋九右衛門矢部善七郎堀

久太郎長谷川外和解兩宗淨土宗從命日蓮宗不聽

遂對論於信長前以南禪寺僧秀長老号鉄為判者因

果居士侍焉信長使織田七兵衛信澄及菅屋矢部堀

長谷川為警固以備不虞及期靈譽之徒負安與日光

等詰問數回日光不能答遂逐之其袈裟而逐之信

長怒傳助紹智好事招禍而斬二人且誅後僧不傳

六月明智日向守平丹波捕波多跡某送之於安土信

長誅之

信長使青山與三持鶴三聯及暑衣若年而赴播州於諸將

七月武藤弥平兵衛越前敦賀城主死於播州軍中信長憐惜之賜遺跡於其子助十郎

羽州大寶寺獻駿馬良鷹與州遠跡孫二郎進上白鷹羽州千福前田薩摩守誦安土獻俊鷹皆有恩賜

八月信長賜銀子若干於靈譽貞安及秀長老有差

信忠進發播州堀久太郎秀政從行

九月荒木攝津守密出伊丹城逃入尼崎城乾助次郎持茶壺以

從之其餘女一人相從

信長入洛直向播州逢大雨留滯於山崎時聞北島中

將信雄擊伊賀一揆而不利兵士多死信長大怒與書於信雄以絕之既而信長進到池田赴伊丹附城以慰諸將行賞而後歸洛

十月瀧川一益攻伊丹城密招城兵中西新八郎曰荒木捨城逃去汝等為誰守城不如速降以致忠也於是

城中多內應者一益進兵攻破諸壘十一月城代荒木久左衛門乞降曰願往尼崎說攝津守可獻尼崎花態兩城然則赦父母妻子之死一益許之久左衛門避伊丹城而赴尼崎織田七兵衛信澄入伊丹城守之攝津守在尼崎聞之閉城門而不納久左衛門久左衛門亡跡而逃去信長命一益長秀及蜂屋兵庫頭以捕伊丹城兵之妻子百廿二人而磔之於尼崎七本松使尼崎

城兵見之

信長新嘗二條御所以獻誠仁親王光院即有移徙之

儀式其粧甚美信長參內有獻物信長居妙覺寺頒賜

絹布於諸士凡二千端

相州小田原城主北條氏政頃歲雖揚勢於關東遙聞

信長威風而請屬麾下與

大權現約期欲擊武田勝頼氏政帥師陣於豆州三島勝

頼與氏政相持於富上根友時

大權現亦觀兵於駿州勝頼兵多死亡

十二月信長捕荒木一族及其妻子若午人使之乘車

一兩載以徇於洛中悉斬之佐々内藏助前田又左衛

門金森五郎八不破河内守原彦次郎奉行之

信長召諸士攜棧數覽猿樂者四日課洛中每日獻酒

食而賜米千石於洛中既而歸安土賜米三百石於安

土町中

信長命天龍寺僧周良策彦作安土山記策彦辭之以

岐阜僧玄興南化充之信長乃使南化作之策彦南化

皆有賜物

同八年正月秀吉陷播州三木城主別所長治滅亡

信長斬妖僧無邊

三月池田信輝其子之助輝政時号古新攻破攝州花熊城

荒木攝津守黨志摩守居号

信長以所貯玩之諸具分授諸士

六月土州長曾我部某獻青鷹并砂糖

信長召出倍臣布施藤九郎滿生右兵衛大

七月大坂本願寺門跡光佐應勅使之旨與信長和睦

避城而移紀州雜賀信長遣矢部善七郎於大坂贈黃

金絹帛等於光佐及其家老下間法印等光佐遣家臣

於安土請拜信長故近衛前關白前文及勸修寺中納

言晴豐庭田中納言重通為之先容以同來安土信長

曰先可逢信忠故彼使者謁信忠獻太力馬代銀千兩

絹百端云光佐大坂城數年佐久間信盛父子在天

王寺與彼對陣遂不能克之其間諸國一向宗峰起與

其國士相戰死亡者不可勝計也加賀越前殊多至是

屬無為

鄴州宇都宮貞林使者來獻駿馬

八月信長上洛到宇治舟行到大坂周覽城郭而遣書

於佐久間右衛門尉信盛及其子甚九郎而譴責之以

多年鈍兵劣衆而不能成功也楠長菴宮内卿法印友

閑為使者赴焉述旨以罷信盛父子兵柄使之急出天

王寺信盛父子悲嘆赴高野山從者總三人暫而二人

告暇而去信盛父子又避野山而入相卿民屋

猶長流林佐渡守於遠方依先年於那古野城欲弑信長之罪

如此以其功勞伊賀伊賀守亦被流罪先年内通於信忠故也

十一月柴田勝家擊殺加州一揆首謀者獻其首十九

級於安土信長梟之於松原

同九年正月元日信長在安土見諸士參賀之行粧大時

名等皆在自唯近寄輩耳二日賜鷹所捕之鶴雁於安土町人大時

信長

信長

於佐々木社催猿樂調味鶴雁以飲食祝信長

二月信長信忠信雄上洛

柴田勝家自越前上洛拜謁信長獻太刀馬代黃金三百兩白銀千兩燦燭千挺奉書紙千束綿千把絹三百

疋謝賜大國也信長褒其成功之早而有饗應手自賜

糸勝家謝之且請賜姥口之釜信長乃授與之

信長於禁裏前構馬場以召近國群士見馬揃其粧盡

義明智日向守奉行之天子行幸馬場有觀覽公卿

殿上人奉從焉候棧敷

越後長尾喜平次景勝謙信出張越中天々加賀一揆

蜂起應景勝加州尾山城主佐久間玄蕃允盛政勝家

擊一揆破之

佐々内藏助成正神保越中守自越中詣安土拜信長

時聞景勝出張越中國小井手城而佐々神保賜暇歸

國景勝引兵而去

信長賜丹後國於長岡兵部太輔藤孝々々赴國

三月

大權現攻遠州高天神城拔之フキキ多殺勝頼兵士而贈其首

七百餘級於安土信長大悅

若州逸見某死無子信長分其采地界三千石於武田

孫八郎五千石於溝口竹号伯耆守也溝口者丹羽長

秀家人也

北條氏政獻駿馬三疋於信長

羽柴築前守秀吉攻因州圍鳥取城

信長

秀吉

七月羽州秋田某獻青鷹五聯活白鳥十頭於安土  
信忠信雄信孝各侍安土信長分賜名刀

八月與州會津葦名盛高獻駿馬三疋蠟燭千挺信長  
賜駿馬三疋於秀吉以高山右近為使者赴因州  
信長聞伊丹浪人匿高野山而大怒捕高野聖二十餘  
人斬之

九月信長賜近臣以米地又賜衣服有差

十月秀吉拔鳥取城

十一月野州長沼山越守廣照捧名馬三疋信長亦授  
絹帛

信長季子御坊自甲州歸安土夫永祿二年質於信玄  
至是勝賴勢衰故返送  
之不以乞和欲信  
長不東行也 即元服號源三郎勝長

秀吉詣安土獻銀子三千兩小袖二百領以祝歲末也  
其餘大名皆參賀有進物

信長在安土時屢招京都泉堺有才名者有夜話千宗  
易等亦伺候森蘭丸奉行之以有響應之事

同十年正月元日信長在安土列候以下出仕信長裝  
束受賀其進物信忠以下皆以青銅十疋為式

佐久間右衛門尉信盛死于紀州態野訃聞安土信長  
憐之赦其子甚九郎曰尔可往岐阜以仕信忠

備前守喜田和泉守直家病死秀吉執申之使其子秀  
家續遺跡信長許之

信長賜鳥目三千貫於伊勢神職使行正遷宮之儀也  
三百年來不有之也森蘭丸奉之



信州本曾左馬頭義昌者伊豫守義仲之後而信州豪  
士也近年甲州武田信玄振威於近國以蠶食信州義  
昌乞和以屬信玄旗下信玄以女妻之因是義昌得全  
舊領及勝賴時猶無黷心義昌見勝賴勢衰且厭課役  
屢至而密有通信長之意也穴山梅雪者信玄之壻也  
勝賴欲以其娘嫁梅雪之子勝賴佞臣長坂長閑跡部  
大炊助及僧麟岳等受武田左馬助信豐之賂而說勝  
賴以所約穴山之娘改嫁信豐子勝賴從弟梅雪大怒  
遂與

大權現通密謀於是義昌就浪州人苗木久兵衛尉到  
岐阜以乞降於信忠曰君若自事於甲州則願為先鋒  
以從之信忠大悅使平助勘右衛門尉馳到安土而告

信長之曰木曾者險阻之地若被彼欺而困於難所  
則必不可有他之援兵須先求義昌并家老人質以固  
誓約而後出兵也平助歸岐阜復命信忠既而苗木携  
義昌及其家老之質以到岐阜信忠乃催兵義昌家人  
千村左京潛赴甲州逢阿部加賀守勝賴家臣或曰土屋右衛門尉告  
義昌叛心於勝賴々々大驚使武田左馬助信豐等為  
大手將以仁科五郎信盛為搦手將以攻木曾城義昌  
遣使謝無異心而勝賴不聽信豐屢攻之不克  
二月勝賴帥師屯於信州諏訪以進兵使今福筑前守  
攻木曾城義昌乞援兵於信長々々乃進發先使信忠  
將五千人發岐阜向木曾口信長自將七千人以向伊  
奈口又使金森五郎入率三千人向飛州加之

大權現將三万人出張駿州北條氏政將三万人陣於關  
東口通援勢於信忠之進兵到信州勝頼將下條伊  
豆守信氏守伊奈城信氏族九兵衛密納河尻肥後守  
兵於城中信氏避去伊奈下郡平松尾城主小笠原掃  
部助信嶺乞降且求檢使以請勵軍忠信忠使團平八  
森勝藏長一赴焉信嶺揚燧以應焉先是勝頼使日向  
大和入道宗英守大島城保科越前守守飯田城仁科  
五郎信盛守高遠城於是勝頼又使小幡因幡守波多  
野源左衛門救飯田使武田信綱信玄弟号安中七郎  
三郎小原丹後守依田能登守救大島小山田備中守  
渡邊金大夫等救高遠及聞小笠原掃部助下條九兵  
衛為信忠卿導敵軍往々多降者飯田城兵亦不戰而

逃去團平八森勝藏追擊之木曾義昌及苗木等破今  
福軍獻首級於信忠之賜感狀於義昌其使者有賜  
物信忠使織田源五長益信長弟後津田孫十郎信次  
等為木曾加勢陣於桔梗原信忠到飯田道遙軒等恐  
懼避大島城而逃去宗英欲死於城中家人擁之而走  
大島城陷信忠移陣於大島使毛利河内守河尻肥前  
守守城信忠進赴飯嶋勝藏平八掃部助為先驅信州  
甲州畏服者若干人然勝頼猶張陣於諏訪以飲勵乘  
奮戰使家人等分守諸城道遙軒逃歸甲府與勝頼不  
通信豐亦屢稱病不預軍謀時光山梅雪及曾根内匠  
守駿州江尻城忽應  
大權現之招以降參梅雪使兵士迎其妻子於甲府以入

下<sub>モ</sub>山<sub>ニ</sub>甲<sub>ニ</sub>府<sub>ニ</sub>留<sub>レ</sub>後<sub>、</sub>者<sub>、</sub>飛<sub>シ</sub>檄<sub>ヲ</sub>以<sub>テ</sub>告<sub>シ</sub>勝<sub>頼</sub>々々大<sub>ニ</sub>驚<sub>リ</sub>信<sub>豊</sub>以下  
一族<sub>ノ</sub>家人<sub>、</sub>聞<sub>キ</sub>梅<sub>雪</sub>叛<sub>レ</sub>而<sub>、</sub>狼<sub>狽</sub>捨<sub>テ</sub>勝<sub>頼</sub>以<sub>テ</sub>皆<sub>、</sub>引<sub>キ</sub>籠<sub>ル</sub>於<sub>テ</sub>其<sub>ノ</sub>本  
領<sub>也</sub>勝<sub>頼</sub>於<sub>テ</sub>是<sub>ニ</sub>去<sub>テ</sub>諏<sub>訪</sub>僅<sub>ニ</sub>免<sub>レ</sub>入<sub>リ</sub>甲<sub>州</sub>新<sub>府</sub>  
信<sub>忠</sub>進<sub>テ</sub>攻<sub>ム</sub>高<sub>遠</sub>城<sub>、</sub>先<sub>ニ</sub>遣<sub>シ</sub>使<sub>僧</sub>持<sub>テ</sub>書<sub>ヲ</sub>入<sub>リ</sub>城<sub>以</sub>告<sub>シ</sub>曰<sub>ク</sub>勝<sub>頼</sub>已<sub>ニ</sub>  
去<sub>テ</sub>諏<sub>訪</sub>雖<sub>モ</sub>赴<sub>リ</sub>甲<sub>府</sub>將<sub>士</sub>皆<sub>、</sub>有<sub>テ</sub>貳<sub>心</sub>則<sub>、</sub>授<sub>シ</sub>首<sub>ヲ</sub>在<sub>テ</sub>近<sub>ニ</sub>白<sub>耳</sub>汝  
等<sub>、</sub>為<sub>シ</sub>誰<sub>カ</sub>守<sub>リ</sub>城<sub>可</sub>速<sub>ニ</sub>降<sub>ル</sub>也<sub>、</sub>城<sub>主</sub>仁<sub>科</sub>五<sub>郎</sub>信<sub>盛</sub>與<sub>テ</sub>軍<sub>將</sub>小  
山<sub>田</sub>備<sub>中</sub>議<sub>シ</sub>之<sub>、</sub>備<sub>中</sub>曰<sub>ク</sub>是<sub>、</sub>欺<sub>ム</sub>我<sub>ノ</sub>之<sub>、</sub>書<sub>也</sub>何<sub>、</sub>為<sub>シ</sub>慣<sub>夫</sub>島<sub>飯</sub>  
田<sub>之</sub>柔<sub>弱</sub>乎<sub>、</sub>可<sub>レ</sub>一<sub>ニ</sub>戰<sub>シ</sub>而<sub>、</sub>死<sub>ス</sub>耳<sub>、</sub>即<sub>、</sub>捕<sub>シ</sub>使<sub>僧</sub>切<sub>テ</sub>其<sub>ノ</sub>耳<sub>鼻</sub>以<sub>テ</sub>逐<sub>シ</sub>  
之<sub>、</sub>信<sub>忠</sub>大<sub>ニ</sub>怒<sub>リ</sub>即<sub>、</sub>登<sub>リ</sub>高<sub>望</sub>城<sub>中</sub>陣<sub>ヲ</sub>干<sub>貝</sub>沼<sub>原</sub>以<sub>テ</sub>小<sub>笠</sub>原<sub>掃</sub>  
部<sub>、</sub>為<sub>シ</sub>案<sub>内</sub>者<sub>、</sub>森<sub>勝</sub>藏<sub>團</sub>平<sub>八</sub>河<sub>虎</sub>肥<sub>前</sub>守<sub>毛</sub>利<sub>河</sub>内<sub>守</sub>  
越<sub>河</sub>向<sub>テ</sub>追<sub>テ</sub>手<sub>信</sub>忠<sub>自</sub>向<sub>テ</sub>搦<sub>手</sub>小<sub>山</sub>田<sub>備</sub>中<sub>力</sub>戰<sub>數</sub>回<sub>死</sub>  
者<sub>、</sub>多<sub>ク</sub>矣<sub>、</sub>信<sub>忠</sub>自<sub>、</sub>指<sub>揮</sub>兵<sub>士</sub>以<sub>テ</sub>急<sub>ニ</sub>攻<sub>ム</sub>之<sub>、</sub>勝<sub>藏</sub>等<sub>、</sub>急<sub>ニ</sub>擊<sub>シ</sub>之<sub>、</sub>備

中<sub>服</sub>勇<sub>欲</sub>擊<sub>シ</sub>信<sub>忠</sub>不<sub>レ</sub>成<sub>、</sub>遂<sub>、</sub>敗<sub>レ</sub>走<sub>リ</sub>入<sub>リ</sub>城<sub>、</sub>信<sub>盛</sub>及<sub>テ</sub>備<sub>中</sub>等<sub>、</sub>以<sub>テ</sub>  
下<sub>皆</sub>死<sub>、</sub>城<sub>陷</sub>斬<sub>首</sub>二<sub>千</sub>五<sub>百</sub>八<sub>十</sub>級<sub>、</sub>殘<sub>兵</sub>逃<sub>帰</sub>甲<sub>府</sub>  
三<sub>月</sub>信<sub>忠</sub>移<sub>テ</sub>營<sub>於</sub>諏<sub>訪</sub>由<sub>是</sub>安<sub>中</sub>某<sub>、</sub>避<sub>テ</sub>高<sub>嶋</sub>城<sub>、</sub>馬<sub>場</sub>某<sub>、</sub>  
獻<sub>深</sub>志<sub>、</sub>城<sub>而</sub>退<sub>去</sub>織<sub>田</sub>源<sub>五</sub>領<sub>、</sub>兩<sub>城</sub>穴<sub>山</sub>梅<sub>雪</sub>為<sub>シ</sub>  
大<sub>權</sub>現<sub>之</sub>先<sub>導</sub>乱<sub>入</sub>駿<sub>州</sub>以<sub>テ</sub>窺<sub>リ</sub>甲<sub>州</sub>州<sub>中</sub>騷<sub>動</sub>時<sub>、</sub>勝<sub>頼</sub>在<sub>テ</sub>  
甲<sub>州</sub>新<sub>府</sub>々<sub>中</sub>城<sub>郭</sub>修<sub>造</sub>未<sub>レ</sub>成<sub>、</sub>故<sub>、</sub>慮<sub>難</sub>防<sub>大</sub>敵<sub>而</sub>與<sub>テ</sub>家  
臣<sub>議</sub>曰<sub>ク</sub>死<sub>ニ</sub>干<sub>レ</sub>此<sub>乎</sub>避<sub>ニ</sub>干<sub>レ</sub>此<sub>以</sub>待<sub>テ</sub>時<sub>乎</sub>衆<sub>皆</sub>曰<sub>ク</sub>死<sub>易</sub>再<sub>、</sub>舉<sub>シ</sub>  
難<sub>矣</sub>小<sub>山</sub>田<sub>左</sub>兵<sub>衛</sub>佐<sub>曰</sub>我<sub>ノ</sub>所<sub>、</sub>領<sub>之</sub>都<sub>留</sub>郡<sub>内</sub>者<sub>、</sub>險<sub>隘</sub>  
之<sub>地</sub>也<sub>、</sub>急<sub>ニ</sub>可<sub>レ</sub>來<sub>移</sub>也<sub>、</sub>真<sub>田</sub>安<sub>房</sub>守<sub>昌</sub>幸<sub>曰</sub>不<sub>レ</sub>如<sub>レ</sub>到<sub>上</sub>州<sub>、</sub>  
我<sub>妻</sub>也<sub>、</sub>且<sub>、</sub>箕<sub>輪</sub>有<sub>テ</sub>内<sub>藤</sub>修<sub>理</sub>小<sub>室</sub>有<sub>テ</sub>武<sub>田</sub>信<sub>豊</sub>則<sub>、</sub>為<sub>シ</sub>我  
妻<sub>之</sub>藩<sub>屏</sub>也<sub>、</sub>勝<sub>頼</sub>從<sub>テ</sub>之<sub>、</sub>勝<sub>頼</sub>嫡<sub>子</sub>信<sub>勝</sub>曰<sub>ク</sub>守<sub>レ</sub>此<sub>地</sub>而<sub>、</sub>死<sub>ス</sub>  
則<sub>、</sub>可<sub>レ</sub>也<sub>、</sub>勝<sub>頼</sub>不<sub>レ</sub>聽<sub>カ</sub>使<sub>昌</sub>幸<sub>等</sub>先<sub>行</sub>曰<sub>ク</sub>可<sub>レ</sub>待<sub>テ</sub>我<sub>也</sub>長<sub>坂</sub>長

閑曰小山田者累代之家人也真田者唯兩三代而已  
小山田亦曰郡内者甲州之地也我妻者他州也君其  
思之勝頼可之厚賞小山田以同其議乃交前約赴郡  
内小山田先行焉勝頼殺木曾人質而後納諸所人質  
三百餘人於新府城中以焚殺之而携已妻兒而首途  
從者皆墮淚以出府  
五日信長發安土六日到濃洲六渡時信忠使使來獻  
仁科信盛等首信長悅而梟之於岐阜長柄河而召使  
使慶信忠之成功也七日信忠出詠訪進入甲府  
條藏索一條右衛門大夫清歸人館奏作守朝比奈攝津守  
武田上總及等殺之使織田源三郎勝長及團平八森  
勝藏長上等赴上州小幡上總及信貞降參獻人質信

忠出令曰甲信駿上四州之間有志於我者速可來服  
也於是諸士憑先容者而拜謁如市  
勝頼率五百人欲入郡内先到鶴瀨栢尾留滯七日以  
待小山田小山田不肯來迎勝頼恐無武備而隱駒飼  
山家其夜小山田劫所獻勝頼之人質而擁之以歸郡  
内置戍兵於篠子且設新関而拒勝頼以不納之於是  
勝頼周章欲入天目山從者皆離散九日勝頼入田  
野軍將土屋惣藏秋山紀伊守寧馬阿部加賀守温井  
常陸及持鎧以從之長坂長閑跡部大炊助等皆逃隱  
亡跡十一日天目山在甲州御人等察勝頼之所匿  
居而來襲田野信忠使龍河左近一益河虎肥後守同  
攻田野圍之勝頼告其妻曰急可赴小田原不從初聚

信長姪女生信勝而昇世又使信勝持重器馬御旗以

故再娶北條氏政妹也經山路赴武州而隱奧州不聽大龍寺僧麟岳同從在

田跡勝賴使之歸去不從既而一益等競來攻之勝賴

信勝及土屋惣藏等力戰擊殺數輩麟岳亦能戰然一

益等急擊之於是勝賴夫婦信勝皆自殺惣藏等奮擊

而死其餘阿部加賀守温井常陸及秋山紀伊守及麟

岳等四十四人皆死婦人同死者亦多或曰五十一人

七信勝時一益獻勝賴父子首於信忠賜脇指光

鹿毛馬一戸黃金五百兩并感狀同日信長到濃州岩

村十三日信長到信州於羽根時信忠使者関加平

次桑原助六郎來獻勝賴父子之首信長悅曰信忠出

國終三十日平甲信駿且得勝賴首可謂奇也賜兩使

以黃金及馬且使福富平左衛門尉贈腰物荒波馬

鹿暑衣百兩於信忠以褒賞之

十五日信長到信州飯田梶勝賴父子之首或曰信長

子之首於京師以信忠命諸將分兵捕武田餘黨悉殺之武田左馬助信

豐道遙軒信細一條上野及信龍小山田左兵衛佐

出羽朝比奈駿河守今福筑前守長坂長閑跡部大炊

助等數十輩皆於處々被害初信長欲殺勝賴密贈書

授駿州或授信州故甲州人信之皆有貳心

及勝賴滅而悉被殺也死於信長之二三耳

十九日信長到上諏訪居法華寺從兵十万人廿日木

曾義昌來謁信長獻進物信長加授筑摩安曇兩郡於

義昌木曾允山梅雪自駿州到諏訪謁信長松尾掃部

助亦拜礼皆安堵本領北條氏政使者端山大膳大夫  
來賀獻進物廿三日信長召瀧河左近一益賜上州一  
國并信州之佐久小縣二郡且告之曰以汝為關東管  
領職自是以東八州到與州征伐訟獄皆可取汝處分  
也若有撥議之事則可請

得川大權現言而沙汰之一益拜謝之信長又賜良馬并賜指  
於一益信長命菅屋九右衛門發深志城糧頒授諸  
士等小幡上總次信真自上州到甲府拜信忠獻進  
物一益為之效請也

北條氏政贈白米二千斛於諏訪  
信長使福富平左衛門赴甲府賜脇指於信忠以為來  
冬欲讓天下之證此脇指者備後守信房所請附信長者也信忠即到諏訪

謁信長於是父子相議以駿州被進

大權現賜甲州半於穴山梅雪界甲州半及諏訪郡於河  
尻肥後守更級高井水内塩科四郡於森勝藏長上伊  
奈郡於毛利河内守此數郡者皆信州之地也又賜濃州岩村城於  
森蘭丸以授五方石麩父可成忠死兄長一戰功且因  
蘭丸有才也

四月二日信長留信忠於諏訪法養寺赴甲府經歷新  
府古府而將赴駿州覽富士一益經營旅館雜事册羽  
長秀堀秀政多賀新左衛門賜暇赴草津温湯  
佐々木次郎潛隱甲州惠林寺信忠使河尻肥後守索  
乏僧徒不從而使次郎間行逃去信忠怒使津田九郎  
次郎長谷川丹波守関小十郎右衛門赤座七郎右衛

門燒惠林寺僧徒被焚殺者八十四人  
森勝藏築海津城一揆等來攻之勝藏擊破之斬首三  
千餘級獻信忠々々賜感狀

信長信忠定関東制法十五箇條以授瀧河一益二益  
居上州既橋城以振威於関東信長信忠經海道歸京  
駿遠參三州之間

大權現警固路次且修斷橋設舸艦以待之信長周覽富  
士山到駿府自蒲原以西每自旅館

大權現設響應信長甚悅謝焉此行也近衛相國前久從  
信長赴甲州及歸路前久  
請同信長經海道上洛信長不  
許之使前久自東山道歸京

大權現家老酒井左衛門尉忠次等曰我今平天下者唯  
在在下

得川殿大權現連年歷武田之功耳此度每自旅館

大權現御家人等皆受信長賜物有差信長到尾州清洲  
耆老等携兒孫以拜伏祝之廿一日信長歸安土畿  
内群士參賀

五月信長賜四國於三七信孝以丹羽長秀織田七兵  
衛信澄蜂屋伯耆守副之先到攝洲大坂住吉之邊  
十五日

大權現到安土謁信長々々豫命奉行人修路次船橋旅  
館以待之穴山梅雪奉從之及著安土而館於大寶坊  
信長使明智日向守光秀響應之光秀俄構假屋造厩  
櫃以金銀飾饗膳治具甚備時會羽柴秀吉在備中與  
毛利輝元對陣乞援兵於信長々々使池田信輝父子

信長

四十一

明智光秀長岡與一即忠興高山右近中川瀨兵衛撫  
川吉大夫等趨其米地以成軍用而救秀吉也信長使  
別人代光秀饗

大權現光秀怒而以其所調之饗膳器具等弄於湖水

那波和泉守齋藤内藏助去猶葉伊豫入道一鉄而什  
光秀命善遇之以為家人一鉄怒於信州與光秀相  
訟信長命光秀使和泉送於一鉄而彼内藏助自殺  
時猶子兵助為光秀執申之故内藏助死事光秀如  
元然信長怒光秀背法以召之譴責而  
手自打光秀頭者至二三也光秀銜之

十九日信長於安土惣見寺慰

大權現召舞大夫幸若某依樂大夫梅若以見聞焉

大權現家臣坐于棧敷穴山梅雪等伺候焉

廿日信長招

大權現於高雲寺館有饗應信長自配膳至于梅雪及

大權現之家臣數輩信長手賜肴藪而後信長挽

大權現御手以登殿守歷覽之而返本座及夜退去

廿一日

大權現發安土為周覽洛中且遊泉塚也信長以長谷川

竹副之以為案内者

廿六日明智日向守光秀發坂本而赴丹波入龜山城

廿七日光秀到愛宕山宿西坊廿八日召紹巴等與

行連歌因有祈願之事也座中光秀卒余曰本能寺塚

深幾多乎又喫粽不及脫其包葉既而歸龜山

廿九日信長使兵士留守安土而僅率近習百五六十

人入洛假居本能寺信忠在妙覺寺使群士各歸國以



待西國發向之令

六月朔日夜曉智光秀在龜山城密召明智左馬助

人本号三宅弥平次同次右衛門藤田藤三齋藤内藏助利三溝

尾勝兵衛曰卿等為我死乎若不然則速斬我頭左馬

助曰唯命是從耳光秀曰我為信長欲被殺也不如成

大事也内藏助曰不可也左馬助曰卿不及吾事必發

覺唯急入洛則大事成矣光秀即率兵發龜山令曰明

朝入洛可使信長見我軍粧及到大江山士卒恠問其

所進光秀曰敵在本能寺於是衆始知其有叛心光秀

馳行二日黎明光秀入洛急襲本能寺信長驚問曰叛

者誰哉藤蘭丸出望之曰光秀也乃使蘭丸等防之光

秀急攻之蘭丸及其弟力丸坊丸并宿直者戰死信長

放火自盡時年四十九光秀尋信長屍不得之故甚不

樂齋藤内藏助求信長焦衣以示光秀云々猶訝焉信

忠出妙覺寺欲到本能寺見其煙以知信長已薨馳入

二條御所使村井春長軒奉親王及若宮以赴禁中衆

皆謂早歸安土集兵士以可討賊也信忠曰彼必可置

兵於宇治勢多則我死於路中乎不如死於斯也春長

軒等皆曰誠如君命也在洛群士稍集亭午光秀來圍

二條御所信忠防之光秀使兵登御所隣屋上而直下

御所發矢放鉄炮御所兵多死信忠遂自殺時年二十

八織田源三郎等一族及村井春長軒福富平左衛門

菅屋九右衛門團平八等四十餘輩同死前田玄以受

信忠遺命而赴岐阜奉信忠子三法師以到清洲

大權現圍變欲以單騎討光秀然納家臣諫乃發自泉隈  
早歸本州

光秀振威於洛中置所司代以掌政事且免許洛中地  
子錢寄進桐堂銀於五山并大德妙心兩寺勅使屢來  
勞光秀々々即出京赴安土山岡義作守燒勢多橋光  
秀入坂本城浦生右兵衛大夫賢秀及其子忠三郎氏  
卿奉信長夫人及幼息等避安土入日野既而光秀到  
安土城以出金銀分與家人等以勞乏光秀密通使於  
浦生以欲謀事也初光秀謂方今柴田勝家在北越與  
長尾景勝對陣羽柴秀吉與毛利氏相戰於中國  
大權現在泉隈本國路遠信孝長秀欲赴四國筒井順慶  
者我斷金之友也織田七兵衛信澄長岡與一即忠興

者我婿也一旦棄其無備而入洛弒信長則天下可圖  
也至是聞秀吉已與信孝長秀及池田等欲入洛  
大權現歸國織田七兵衛在六坂為長秀被殺而甚不樂  
忠興順慶亦不從光秀々々使明智左馬助守安土城  
而歸洛直到八幡招順慶不來光秀大失望而去  
十三日秀吉等諸將欲入洛光秀到山崎防之戰敗逃  
入勝龍寺秀吉等使兵圍之甚急及夜光秀出城潛欲  
赴坂本城路經小栗栖為里人被殺時年五十七從者  
皆死明智左馬助燒安土城而入坂本城殺光秀子自  
然而自殺

十月十五日秀吉葬信長於紫跡大德寺道号恭岩院  
号惣見

是日勅贈信長太政大臣從一位

織田信長譜終

信長譜一卷奉 鈞命撰之想夫及

足利氏之失其鹿天下共逐者最多

諸國英雄相爭今粗附於此譜中見

者考之而可也信長其有犄角之勢

者乎寬永十八年十一月上旬起筆

十月七日進呈之

羅山子道春

春齋草之

